



**Fjárlaganefnd Alþingis**

**Austurstræti 8 - 10**

**101 Reykjavík**

**Reykjavík, 18. október 2024**

**Efni: Umsögn um frumvarp til fiárlaga 2025 frá Íshökkísambandi Íslands.**

### **Afreksstarf í íþróttum á Íslandi, til framtíðar**

Unnið hefur verið að bættri umgjörð afreksíþróttá á Íslandi í tvö ár og gríðarmikið starf liggur að baki þeirrar vinnu. Starfshópur á vegum mennta- og barnamálaráðuneytis var skipaður í janúar 2023 um stöðu og réttindi afreksíþróttafólks og skilaði hópurinn skýrslu í apríl 2024 þar sem staðan í málaflokkinum var skýrð og margar tillögur voru settar fram um aðgerðir til að efla og styrkja afreksíþróttastarfið í landinu. Miklar væntingar eru af hálfu íþróttahreyfingarinnar um framgang þessara tillagna enda um umbyltingu að ræða í umgjörð afreksíþróttafólks á Íslandi. Markmiðið með þessari vinnu er að gera umgjörð um íslenskt afreksíþróttafólks sem næst sambærilega við það sem er hjá þjóðum sem viðberum okkur helst saman við. Tillögurnar fela meðal annars í sér:

- Stofnun Afreksíþróttamiðstöðvar Íslands. Mikilvægt hlutverk hennar er að styrkja sérsambönd og íþróttafélög að sinna sínu afreksstarfi. Einnig að bæta umhverfi og efla starfsumhverfi íþróttþjálfarans, með því að efla menntun, þekkingu og hæfni þeirra. Þar mun starfa öflugt fagteymi sérfræðinga og ráðgjafa frá átta ólíkum fagsviðum íþróttá.
- Hækkun framlags til Afrekssjóðs ÍSÍ.
- Stofnun launasjóðs afreksíþróttafólks og þjálfara til að styðja viðafreksíþróttafólkið og tryggja þeim vinnumarkaðstengd réttindi.



- Aukið fjármagn til íþróttahreyfingarinnar til að lágmarka kostnaðarþátttöku iðkenda í landsliðsstarfi. Háar greiðslur foreldra vegna þátttöku barna og unglunga í landsliðsverkefnum eru til þess fallnar mismuna einstaklingum eftir fjárhag foreldra.
- Aukið fjármagn til ferðasjóðs íþróttafélaga til að koma til móts við aukinn ferðakostnað einstaklinga og félaga af landsbyggðinni.
- Hækkun fjárframlags til reksturs sérsambanda.
- Hvatakerfi sem hefur það að markmiðið að efla og styrkja afrekssvið framhaldsskólanna.
- Efling samvinnu og tengsla Afreksmiðstöðvar við grunnskólastigið og þjálfun ungmenna í íþróttafélögunum, auk foreldrafræðslu.
- Aðgerðir til að hlúa að efnilegu íþróttafólki og draga úr brotthvarfi unglunga úr íþróttum.

Mikil vinna hefur verið lögð í að kynna tillögur starfshópsins fyrir öllum þingflokkum og að störfum er þverpólitísk þingmannanefnd sem unnið hefur að málinu.

Gríðarlega mikilvægt er að halda takti í þessari vinnu svo hægt verði að ná þeim árangri sem stefnt hefur verið að enda hefur mikil orka og tími farið í undirbúning þess og úrvinnslu.

Krafa er gerð um að íþróttahreyfingin fái þann stuðning sem rætt hefur verið um til að hægt verði að tryggja faglegt og gott afreksíþróttastarf í landinu. Til þess þarf stóraukið fjármagn til málaflokksins eins og kynnt hefur verið.

Það væri mikill skaði fyrir hreyfinguna ef tímabundið ástand á Alþingi leiddi til þess að þessi áform verði að engu.

Vert er að minna á að í núverandi stjórnarsáttmála kemur fram að unnið verði með félagasamtökum að því að efla umgjörð um afreksstarf íþróttafólks. Þá kemur fram í fjármálaáætlun 2025 -2029 að meginmarkmið stjórnvalda á sviði íþrótt- og æskulýðsstarfs er að auka gæði og styrkja faglega umgjörð um skipulagt íþrótt- og æskulýðsstarf.

Rétt er að minna á að gerðar eru miklar kröfur til íþróttahreyfingarinnar um leið og allt rekstrarumhverfi hennar hefur orðið mun erfiðara. Erfitt reynist að ná endum saman og stórir rekstrarþættir í tengslum við þátttöku í mótum innanlands og sérstaklega utanlands eru bugandi.



Má þar nefna sérstaklega allan ferðakostnað og uppihald. Mun erfiðara hefur verið að sækja stuðning við sérsamböndin úr atvinnulífnum.


Þannig hefur Íshökkísambandið sem árlega sendir 5 landslið eða um 150 manns til keppni í heimsmeistaramótum Alþjóða Íshökkísambandsins, þurft í sífellt auknum mæli að stóla á fjáröflun þátttakenda og aðstandenda þeirra vegna landsliðsverkefna. Því miður hefur það gerst, að vegna fjárhags hafa einstaklingar þurft að segja sig frá þátttöku. Þetta er algerlega óboðleg staða fyrir þessa einstaklinga og þjóðina sem vill sjá sitt besta fólk í keppni, sama hvaða íþróttagrein er keppt í.

Í þessu samhengi er rétt að benda á að árangur íslenskra landsliða í íshokki bæði karla og kvenna hefur vakið heimsathygli. T.d. má nefna að á Íslandi eru u.þ.b. 100 konur sem æfa íshokki. Landslið okkar í íshokki kvenna er í 28. sæti á heimslista og hefur skotið aftur fyrir sig mikið stærri löndum sem státa af meira fjármagni margföldum fjölda iðkenda eins og til dæmis Króatíu, Serbíu, Tælandi, Eistlandi Litháen, Belgíu og Tyrklandi. Þetta er ekki lítið afrek heldur stórt-afrek sem tekið er eftir um allan heim.

Allur heilbrigður samburður á aðstöðu og umhverfi íslenskra afreks leikmanna í íshokki samanborin við lönd sem við erum að etja kappi við alþjóðlega er okkur mjög í óhag. Og í raun er íþróttin borin áfram af duglegri grasrót og sjálfbóðaliðum sem geta gefið vinnu sína en eiga ekki til viðbótar fjármagn til að leggja hreyfingunni til.

Það er einlæg von okkar að hin þverpólítísk þingmannanefnd sem unnið hefur að málinu, ásamt fulltrúm fjárlaganefndar, beri þá gæfu að tryggja íþróttahreyfingunni í landinu stór aukið fjármagn. Það er þjóðfélagslega mikilvægt verkefni sem er undirstaðan í farsæld barna og ungmenna auk þeirra jákvæðu lýðheilsuáhrifa sem verða til af starfi íþróttahreyfingarinnar.

F.h. Íshökkísambands Íslands

  
Viðar Garðarsson  
framkvæmdastjóri



Íshokkísamband Íslands, Engjavegi 6, 104 Reykjavík, [ihl@ihl.is](mailto:ihl@ihl.is) Sími: 514-4075